

POTRET EGILEA
.....

Potret egilea bazter batzuen potretaren egiten ari da: tindu eta koloreak aldean ditu, eta huchtukatuz ari da bere lanari... Kolorea har eta paperean hedatzen... Anartean huchtua utzirik...

- Bai bazter ederrak dira; haatik heien pintatzeak lanak ditu... Goazen aintzine....

Gizon bat eta muthiko bat heldu zaizko.

Gizonak Errazu, jauna, barkamendurekin... Zu bide zira aipatu daitaten pintrea potretak ere in momine santian egiten ditutzuna...

Pintreak Bai, jauna, bai, seguraz ere... Zure potreta nahi baitzinuen ?

Gizonak ez enea ez

Pintreak Mutiko pullit hunena beraz

Gizonak ez eta ere... Ene emaztearena

Pintreak Noiz beharko dut bada zure etcherat jin zure andrearen itchuraren hartzeko...

Gizonak nigarrez) Ez duzu gure etcherat jiterik... Gaicho Martchalina

Pintreak zer duzu bada... andrea eri ?

Gizonak eri baino areago, jaun pintrea; hila... (hipaka ari dira aita semeak)

Pintrea Barkatu jauna, parte handia hartzen dut segurki zure bihotz-minean; baina noiz hil zautzu andre gaicho hori ?

Gizonak Duela hiru urte jauna... Ah jite borthitza zuen, gaichoak, baina izigarri emazte prestua zen; ez dea hala Martchel

Haurrak Ba aita.

Gizonak chuka tzak begi hoik, hortik eta zintza hadi

Pintrea zure andre zenaren potret ttipi bat badukezu, jauna, modela gisa ?

Gizonak fotografia balimbanu ez nuke zure potretaren beharrik; ez jauna ez dut haren fotografiarik.

Pintrea zer egingen dut ba

Gizonak nik behar dautzute ofizioa erakutsi

Pintrea haur hunek badueia ama zenaren iterik batere

Gizonak sendimenduz eta adimenduz dena ama; begitartez eta trakaz dana aita ez dea hala muñu...

Haurrak ba aita.

Pintrea bon,bainan zuk ez duzu ahañtzia nolatsu zitaken zure lagun zena
Gizonak zer uste duzu ala burua mehatzen ari zaitala
Pintrea Jainkoak beira...Erranen dautazu bada nolakoa zen
Gizonak ah,jite borthitza zuen,jauna,bainan emazte gichakoa hitz eta promes
dautzut halako guti ~~zeta~~ munduan aurki ditakela
Pintrea zombat gora zuken ?
Gizonak zombat gora ? nik dakita ? ni baino handiago zela uste dut bainan
haren negurtzea ez zait sekulan gogoratu ere
Pintrea Bon,burutik eta paporaino eginen dut heren potreta;hola ez gira en-
genetuko;handia zenez ala ttipia ez dugu jakitearen beharrik
Gizonak arrazoin duzu;merkeago ere helduko zaut behar bada
Pintrea erran gabea,beraz bisaia nola zuen biribil ala...
Gizonak bisai ona,jauna.Bere bultak bazituan bertzeak bezala,bainan bana be
bertze emazte ona.
Pintrea begitartea ilargia bezela zuena,errund-errunda,ala arroltzearen
iduriko,"ovale" erraiten baitute
Gizonak "ovale" errak hi martzel zertifikatean ibili baihaiz,zer duk oval hori
Haurrak ez dakit aita
Gizonak jaun pintrea emazu bien arteko
Pintrea eta begiak
Gizonak biziki kokinak,jauna.
Pintrea ez naiz estonatzten...bainan zer kolore:beltch,urdin itsas-ferde,ala
gaztainehopereak
Gizonak pareak ba,jauna...Biga bazituen...Ea haurra,hi orhoit hiza koloreaz
Haurrak badakit ez zitueda bi begiak berdin berdinak lunetak ere behar zituen
Gizonak emoizu luneta beltzak,hola nihok ez du deusik ikusiko
Pintrea egia zuk...Orai sudurra
Gizonak bai sudur ona zuen;denak sumatzen,ihiziko zakurrak bazala...
Pintrea ba,bainan behar nuke jakin sudur hori sudur kako,zapal,makets;kaiku
ala harroa zen..
Gizonak bere buruarekin)makets,makets
haurrak aita zer da sudur maketsa ?
Gizonak ago ichilik,ez duk hire afera..(haurra muthurtzen da) nola erran duzu
jaun pintree,sudur karroa ?
Pintrea ez karroa ez;harroa,eskalapoin puntaren idurikoa.

- Gizonak bon, emazu bien arteko.
- Pintrea lanak dira... Eta beharria
- Gizona Bai, beharri fina; ez zitzaion deus ere gordetzen ahal... Askotan errana diot: kurios eta pinterdi
- Pintrea haatik beharri horiek nolakoak ziren, jaun maitea ? Beharri motzak ala
- Gizonak kolera) jakizu ez dela gure familian beharri motzik; denak eskualdun garbi garbiak gira... denak gero, denak oro... Ez dut onhartzen beharri motzik aipatzea ere; komprenitzen duzu ? ~~Petret~~=egite
- Pintrea Ba, jauna, ba; beraz beharri luzeak emanen diozkagu
- Gizonak luzeak ? beharri luzeak ? Baduzuia burutik ? Jakizu gure familian ez dela astorik ez eta astafarik...
- Pintrea Barka zadazu, jauna, bainan biziki sentikorra zaitut; denak makur hartzen dautzatzu... Ea, haurra, amak nola zituen beharriak...
- Haurrak muthur) ez dazkiot sekulan ikusi... Ilek kukutzen ziozkaten...
- Gizona k Jesus.. hala da-eta.. Bon, gorde zaitzu beharri hoik; hola ez dukegu makufi
- Pintrea eta ahoa ?
- Gizonak mihi bat gaitza; ez zuen ichiltzerik behin hasi ta; etchen ez dut a aditu ogi joiteko mekanikarik, ez eta ere gerlan mitraillusarik, harek bezembat arrabots egiten zuenik; zer kalaka... Bainan, behar dut a aithortu halere emazte gichakoa zen bere maneran...
- Pintrea jadanik erran dautazu hori... Bainan nahi nuke jakin aho handia ala ttipia zuenetz, bildua ala kefa ?
- Gizonak othoi jauna; emozu aho hori enea bezela, sudur azpian; ez zaitela har bisaaa edertu beharrez; zen bezela aski zait...
- Pintrea eta kokotsa ?
- Gizonak ba kokots fierra zuen eta kolaspes izpi bat ere, lepo paparda haste batekin... Ez dea hala muñu ?
- Haurrak muthur) ez da ene afera.
- Gizonak beha zazu haur ichpindola horri ? Nun duk aitaren errspetua ?
- Pintrea eta eskuak ?
- Gizonak bo, eskuak... zalhuak zituen... Zifli zafla hasten zelarik, harrigarria zen, ifernuko sugearik ziztuak zituen... eta larru idorra gero, hedekia kasik... Bainan fite pasatzen zituzion eta orduan bildotcha iduri zuen hain zen ezta eta gochoa.
- Pintrea ez dautazu chehetasunik emaiten, ea erhi luzeak zituenetz ala laburrak
- Gizonak ah, ahanzter bainuen... erhaztun pollit bat bazuen erhi huntan... Bai ezkongei ginelarik erosi nion Ezpeletako feirietan; ehiza orhoit muñu orduan ginen urus orduan...
- aurrak ez, aita, ez, ez niz batere orhoit...

Gizonak hala duk;gaztegi hintzen orduan...

Pintrea horiek hola eginen dautzut abian zure andre zenaren potreta...Zaude hor ichtant bat;minuta baten lana da...

(Potret egilia ari da potret-eren egiten.Haurra hurbiltzen da lanaren ikusteño)

Gizona k Martzek haugi hunat;utzak jaun hori lanean artzerat...Kontent hiza orai ikusiko baitut amaren potreta den den bezela ?

Haurrak ba aita.

Gizonak zer den hatik esku airea...Beha zok nola ari den,ama begien aintzinean balu bezela

Pintrea gorri pochi bat hemendik...Hortchet marra beltch bat...Urdin izpi bat la...la...churi firfira bat matelan...la...jaun maitea,huna egina...hogoi-ta-hamar libera duzu pena...

Gizonak dirua emaiten du eta potreta hartzen)...Milesker...

Pintrea nik zuri...

(aita semeak beha daude ichtant bat potretari eta nigarrez hasten biak chotinka...)

Gizonak gaicho Martchalina

Haurrak Gaicho ama

Pintrea ez nuen uste hain untsa kausituko nuela....

Gizonak ichtant baten buruan)..Jauna,norra potreta...atchik azu...pena sobera egiten daut...Gaicho Martchalina...nola kambiatu den hiru urthe huntan (nigarrez atheratzen da semearekin)....

F I N

.....